

«23» դեկտեմբերի 2021թ.

ք. Երևան

ՀՀ պետական եկամուտների կոմիտեի իրավաբանական վարչության պետ Ա. Մնացականյանս, ջննելով վարորդ Արմեն Հարությունի Սարգսյանի վերաբերյալ նյութերը.

Պ Ա Ր Զ Ե Ց Ի

2021 թվականի դեկտեմբերի 17-ին ՀՀ ՊԵԿ Արևելյան մաքսատուն-վարչության աշխատակիցները Բագրատաշենի մաքսային-կետ բաժնի մաքսային հսկողության տարածքում զննման են ենթարկել վարորդ Արմեն Հարությունի Սարգսյանի կողմից վարվող «36CT241/02A779» պետհամարանիշի ավտոմեքենան:

Զննման արդյունքում պարզվել է, որ ՌԴ Վերին Լարս անցակետում «Մարկո գրուպ» ՍՊ ընկերության անվամբ լրացված թիվ 10803040/081221/0141809 տարանցման հայտարարագրում հայտարարագրված ապրանքը չի համապատասխանել փաստացի ներմուծված ապրանքի հետ, մասնավորապես՝ թիվ 64 հաշիվ-ապրանքագրում նշվել է 1մմ և 10մմ հաստությամբ 500 կգ սպունգե թաղանթ, համապատասխանաբար 16400քառ. մ. և 1650 քառ. մ., սակայն փաստացի առկա է եղել համապատասխանաբար 10900 քառ. մ. և 1530 քառ. մ. սպունգե թաղանթ:

Համաձայն 20.12.2021 թվականի թիվ 05100033/161221/0046414 մաքսային զննման ակտի՝ մաքսային մարմինների կողմից դրված մաքսային ապահովման միջոցները վնասված չեն եղել:

Վարորդ Արմեն Հարությունի Սարգսյանի նկատմամբ 2021 թվականի դեկտեմբերի 17-ին ՀՀ մաքսային օրենսգրքի 203-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն:

Վարչական վարույթի ընթացքում Արմեն Հարությունի Սարգսյանը ստացել է ծանուցագրի իր օրինակը, սակայն բացատրություն չի ներկայացրել:

«Մարկո գրուպ» ՍՊ ընկերության տնօրեն Արթուր Խաչատրյանը հայտնել է, որ 12.11.2021թ. թիվ 64 հաշիվ-ապրանքագրում ոչ ճշգրիտ տեղեկություններ են նշվել սպունգե թաղանթի տվյալների և բեռի քաշի վերաբերյալ:

ԵԱՏՄ մաքսային օրենսգրքի (այսուհետ՝ Օրենսգիրք) 2-րդ հոդվածի 26-րդ կետի համաձայն՝ «փոխադրող» այն անձն է, որն իրականացնում է ապրանքների և (կամ) ուղևորների փոխադրում (տրանսպորտային փոխադրում) Միության մաքսային սահմանով և (կամ) մաքսային հսկողության տակ գտնվող ապրանքների փոխադրում (տրանսպորտային փոխադրում) Միության մաքսային տարածքով:

Օրենսգրքի 142-րդ հոդվածի համաձայն՝ «մաքսային տարանցում» մաքսային ընթացակարգը կիրառվում է Միության մաքսային տարածքով, ինչպես նաև Միության անդամներ չհանդիսացող պետությունների տարածքներով օտարերկրյա և Միության ապրանքների փոխադրման համար:

Օրենսգրքի 302-րդ հոդվածի 3-րդ մասի համաձայն՝ Միության ապրանքները Միության անդամներ չհանդիսացող պետությունների տարածքներով Միության մաքսային տարածքի մի մասից Միության մաքսային տարածքի մեկ այլ մաս փոխադրման համար ենթակա են «մաքսային տարանցում» մաքսային ընթացակարգով ձեռակերպման:

Օրենսգրքի 83-րդ հոդվածի համաձայն «մաքսային տարանցում» մաքսային ընթացակարգի հայտագրման դեպքում որպես հայտարարատու կարող են հանդես գալ փոխադրողը, այդ թվում նաև՝ մաքսային փոխադրողը, առաքողը, եթե նա Մաքսային միության անդամ պետության անձ է: Օրենսգրքի 84-րդ հոդվածի 2-րդ կետով սահմանված են հայտարարատուի պարտականությունները, այն է՝ հայտարարատուն պարտավոր է՝ կատարել ապրանքների մաքսային հայտարարագրում, մաքսային մարմին ներկայացնել մաքսային հայտարարագրում

սերկայացված տեղեկությունները հաստատող փաստաթղթեր, իսկ 3-րդ կետի համաձայն՝ հայտարարատուն, Մաքսային միության անդամ պետությունների օրենսդրությանը համապատասխան, պատասխանատվություն է կրում:

Օրենսգրքի 308-րդ հոդվածի 1-ին կետի համաձայն՝ Միության անդամներ չհանդիսացող պետությունների տարածքներով Միության մաքսային տարածքի մի մասից Միության մաքսային տարածքի մեկ այլ մաս Միության ապրանքների փոխադրման դեպքում փոխադրողը, անկախ «մաքսային տարանցում» մաքսային ընթացակարգով ձևակերպված ապրանքների հայտարարատուն լինելու հանգամանքից, պարտավոր է. ապահովել ուղարկող մաքսային մարմնի կողմից սահմանված ժամկետում ապրանքներն ու դրանց փաստաթղթերը հասցնել ապրանքների առաքման վայրը, ապահովել ապրանքների, մաքսային կապարակների և կնիքների, կամ նույնականացման այլ միջոցների պահպանվածությունը: Թույլ չտալ ապրանքների բեռնաթափումը, փոխաբեռնումը (վերաբեռնումը) և դրանց հետ կատարվող բեռնային այլ գործողությունների իրականացումը, ինչպես նաև այդ ապրանքները փոխադրող տրանսպորտային միջոցների փոխարինումը Միության անդամներ չհանդիսացող պետությունների տարածքներում՝ առանց ուղարկող մաքսային մարմնի թույլտվության:

ՀՀ մաքսային օրենսգրքի 189-րդ հոդվածի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 203-րդ հոդվածի 1-ին մասի 1-ին պարբերության համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը, որի արդյունքում չի առաջանում մաքսային վճարների (բացառությամբ մաքսավճարի) պակաս հաշվարկում կամ չհաշվարկում, ինչպես նաև ոչ սակազնային կարգավորման միջոցների չկիրառում՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ 50 հազար դրամի չափով:

ՀՀ մաքսային օրենսգրքի 219-րդ հոդվածի համաձայն՝ մաքսային կանոնների խախտման վերաբերյալ գործը քննվում է վարչական պատասխանատվության ենթարկվող անձի մասնակցությամբ: Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:

Արմեն Հարությունի Սարգսյանը 2021 թվականի դեկտեմբերի 23-ին հրավիրվել է ՀՀ ՊԵԿ իրավաբանական վարչություն՝ իր նկատմամբ ՀՀ մաքսային օրենսգրքի 203-րդ հոդվածի հատկանիշներով սկսված վարչական գործի քննությանը մասնակցելու համար, սակայն վերջինս չի ներկայացել:

Այսպիսով, նյութերով պարզվել է, որ «Մարկո գրուպ» ՍՊ ընկերության անվամբ լրացված թիվ 10803040/081221/0141809 տարանցման հայտարարագրում հայտարարագրված սպունգե թաղանթի վերաբերյալ ներկայացվել է ոչ ճշգրիտ տեղեկություններ, այսինքն՝ Արմեն Հարությունի Սարգսյանը թույլ է տվել ՀՀ մաքսային օրենսգրքի 203-րդ հոդվածի 1-ին մասի 1-ին պարբերությամբ նախատեսված մաքսային կանոնների խախտում, ինչը հիմնավորվում է 17.12.2021թ. մաքսային կանոնների խախտման վերաբերյալ արձանագրությամբ, 20.12.2021 թվականի թիվ 05100033/161221/0046414 մաքսային զննման ակտով, 08.12.2021թ. թիվ 10803040/081221/0141809 տարանցման հայտարարագրով, «Մարկո գրուպ» ՍՊ ընկերության տնօրենի պարզաբանմամբ, 12.11.2021թ. թիվ 64 հաշիվ-ապրանքագրով:

Վերոգրյալի հիման վրա և ղեկավարվելով ՀՀ մաքսային օրենսգրքի 203-րդ հոդվածի 1-ին մասի 1-ին պարբերությամբ, 206 և 221-րդ հոդվածներով,

Ո Ր Ո Շ Ե Ց Ի՝

1. Արմեն Հարությունի Սարգսյանին (անձնագրի համար՝ AU0423750) ճանաչել զանցառու ՀՀ մաքսային օրենսգրքի 203-րդ հոդվածի 1-ին մասի 1-ին պարբերությամբ և նրան տուգանել 50000 դրամ: /վճարումը 900005024055 հաշվեհամարին/կող-19/

2. Որոշման մասին հայտնել Ա. Սարգսյանին՝ պարզաբանելով, ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ դա կայացնելուց հետո 10 օրվա ընթացքում կամ ՀՀ վարչական դատարան երկու ամսվա ընթացքում:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



ԱՐՄԱՆ ՄՆԱՅԱԿԱՆՅԱՆ